

目錄

歐陽文忠公文鈔	卷十六	……	(一七三三—一七六六)
歐陽文忠公文鈔	卷十七	……	(一七六七—一八〇四)
歐陽文忠公文鈔	卷十八	……	(一八〇五—一八三四)
歐陽文忠公文鈔	卷十九	……	(一八三五—一八七六)
歐陽文忠公文鈔	卷二十	……	(一八七七—一九二〇)
歐陽文忠公文鈔	卷二十一	……	(一九二一—一九五六)
歐陽文忠公文鈔	卷二十二	……	(一九五七—一九九八)
歐陽文忠公文鈔	卷二十三	……	(一九九九—二〇四二)
歐陽文忠公文鈔	卷二十四	……	(二〇四三—二〇七八)

歐陽文忠公文鈔 卷二十五……………(二〇七九—二一二)

歐陽文忠公文鈔 卷二十六……………(二一一三—二二四二)

歐陽文忠公文鈔 卷二十七……………(二一四三—二二七二)

歐陽文忠公文鈔 卷二十八……………(二一七三—二二〇八)

歐陽文忠公文鈔 卷二十九……………(二二〇九—二二四六)

歐陽文忠公文鈔 卷三十……………(二二四七—二二九四)

歐陽文忠公文鈔 卷三十一……………(二二九五—二三三六)

歐陽文忠公文鈔 卷三十二……………(二三三七—二三六〇)

宋大家歐陽文忠公文抄卷之十六

歸安鹿門茅坤批評

孫男閻叔 著重訂

史論

五代史職方考論

數十年之間易世者五其所當州郡分割畫次如掌太史公所欲爲而不能者

嗚呼三代以上莫不分土而治也後世鑒古矯失始郡縣天下而自秦漢以來爲國孰與三代長短及其亡也未始不分至或無地以自有焉蓋得其要則雖萬國而治失其所守則雖一天下不能以容豈非一本於道德哉唐之盛時雖名天下爲十道

而其勢未分暨其衰也置軍節度號爲方鎮鎮之大者連州十餘小者猶兼三四故其兵驕則逐帥帥彊則叛上土地爲其世有干戈起而相侵天下之勢自茲而分然唐自中世多故矣其興衰救難常倚鎮兵扶持而侵凌亂亡亦終以此豈其利害之理然歟自僖昭以來日益割裂梁初天下別爲十一南有吳浙荆湖閩漢西有岐蜀北有燕晉而朱氏所有七十八州以爲梁莊宗初起并代取幽滄有州三十五其後又取梁魏博等十有六州合五十一州以滅梁岐王稱臣又得其州七同光破蜀已而復失惟得秦鳳階成四州而營平二州陷于契丹其增置之州一合一百二十三州以爲唐石氏入立獻卞有六州于契丹

而得蜀金州又增置之州一合一百九州以爲晉劉氏之初秦
鳳階成復入于蜀隱帝時增置之州一合一百六州以爲漢郭
氏代漢十州入于劉旻世宗取秦鳳階成瀛莫及淮南十四州
又增置之州五而廢者三合一百一十八州以爲周宋興因之
此中國之大畧也其餘外屬者疆弱相并不常其得失至于周
末閩已先亡而在者七國自江以下二十一州爲南唐自劍以
南及山南西道四十六州爲蜀自湖南北十州爲楚自浙東西
十三州爲吳越自嶺南北四十七州爲南漢自太原以北十州
爲東漢而荆歸峽三州爲南平合中國所有二百六十八州而
軍不在焉唐之封疆遠矣前史備載而羈縻寄治虛名之州在

其間五代亂世文字不完而時有廢省又或陷于夷狄不可考究其詳其可見者具之如譜

自唐有方鎮而史官不錄于地理之書以謂方鎮兵戎之事非職方所掌故也然而後世因習以軍自地而沒其州名又今置軍者徒以虛名升建爲州府之重此不可以不書也州縣凡唐故而廢于五代若五代所置而見于今者及縣之割隸今因之者皆宜列以備職方之考其餘嘗置而復廢嘗改制而復舊者皆不、足、書、山、川、物、俗、職、方、之、掌、也、五、代、短、世、無、所、遷、變、故、亦、不、復、錄、其、方、鎮、軍、名、以、與、前、史、互、見、之、云、

五代史司天考論

漢以來說災異者多並不如歐陽公之言爲正

昔孔子作春秋而天人備予述本紀書人而不書天予何敢異
於聖人哉其文雖異其意一也自堯舜三代以來莫不稱天以
舉事孔子刪詩書不去也蓋聖人不絕天於人亦不以天參人
絕天於人則天道廢以天參人則人事惑故常存而不究也春
秋雖書日食星變之類孔子未嘗道其所以然者故其弟子之
之傳妄也徒莫得有所述於後世也然則天果與於人乎果不與於人乎
曰天吾不知質諸聖人之言可也易曰天道虧盈而益謙地道
變盈而流謙鬼神害盈而福謙人道惡盈而好謙此聖人極論

天○人○之○際○最○詳○而○明○者○也○其○於○天○地○鬼○神○以○不○可○知○爲○言○其○可○
知○者○人○而○已○夫○日○中○則○晷○盛○衰○必○復○天○吾○不○知○吾○見○其○虧○益○於○
物○者○矣○草○木○之○成○者○變○而○衰○落○之○物○之○下○者○進○而○流○行○之○地○吾○
不○知○吾○見○其○變○流○於○物○者○矣○人○之○貪○滿○者○多○禍○其○守○約○者○多○福○
鬼○神○吾○不○知○吾○見○人○之○禍○福○者○矣○天○地○鬼○神○不○可○知○其○心○則○因○
其○著○於○物○者○以○測○之○故○據○其○迹○之○可○見○者○以○爲○言○曰○虧○益○曰○變○
流○曰○害○福○若○人○則○可○知○者○故○直○言○其○情○曰○好○惡○其○知○與○不○知○異○
辭○也○參○而○會○之○與○人○無○以○異○也○其○果○與○於○人○乎○不○與○於○人○乎○則○
所○不○知○也○以○其○不○可○知○故○常○尊○而○遠○之○以○其○與○人○無○所○異○也○則○
修○吾○人○事○而○已○人○事○者○天○意○也○書○曰○天○視○自○我○民○視○天○聽○自○我○

民聽未有人心悅於下而天意怒於上者未有人理逆於下而天道順於上者然則王者君天下子生民布德行政以順人心是之謂奉天至於三辰五星常動而不息不能無盈縮差忒之變而占之有中有不中不可以爲常者有司之事也本紀所述人君行事詳矣其興亡治亂可以見至於三辰五星逆順變見有司之所占者故以其官誌之以備司天之所考嗚呼聖人既沒而異端起自秦漢以下學者惑於災異矣天文五行之說不勝其繁也予之所述不得不異乎春秋也考者可以知焉

言論有本

五代史前蜀王建世家論

讀韓公獲麟解與此論世之言祥瑞者捫心退矣

嗚呼自秦漢以來學者多言祥瑞雖有善辯之士不能祛其惑也予讀蜀書至於龜龍麟鳳騶虞之類世所謂王者之嘉瑞莫不畢出於其國異哉然考王氏之所以興亡成敗者可以知之矣或以爲一王氏不足以當之則是時天下治亂可以知之矣龍之爲物也以不見爲神以升雲行天爲得志今偃然暴露其形是不神也不上于天而下見於水中是失職也然其一何多歟可以爲妖矣鳳凰鳥之遠人者也昔舜治天下政成而民悅命夔作樂樂聲和鳥獸聞之皆鼓舞當是之時鳳凰適至舜之

史因并記以爲美後世因以鳳來爲有道之應其後鳳凰數至或出於庸君繆政之時或出於危亡大亂之際是果爲瑞哉麟獸之遠人者也昔魯哀公出獵得之而不識蓋索而獲之非其自出也故孔子書于春秋曰西狩獲麟者譏之也西狩非其遠也獲麟惡其盡取也狩必書地而哀公馳騁所涉地多不可徧以名舉故書西以包衆地謂其舉國之西皆至也麟人罕識之獸也以見公之窮山竭澤而盡取至於不識之獸皆搜索而獲之故曰譏之也聖人已沒而異端之說興乃以麟爲王者之瑞而附以符命讖緯詭怪之言鳳常出於舜以爲瑞猶有說也及其後出於亂世則可以知其非瑞矣若麟者前有治國如堯舜

禹湯文武周公之世未嘗一出其一出而當亂世然則孰知其爲瑞哉龜玄物也污泥川澤不可勝數其死而貴于卜官者用適有宜爾而戴氏禮以其在宮沼爲王者難致之瑞戴禮雜出于諸家其失亦已多矣騶虞吾不知其何物也詩曰吁嗟乎騶虞賈誼以爲騶者文王之囿虞虞官也當誼之時其說如此然則以之爲獸者其出於近世之說乎夫破人之惑者難與爭於篤信之時待其有所疑焉然後從而攻之可也麟鳳龜龍王者之瑞而出於五代之際又皆萃於蜀此雖好爲祥瑞之說者亦可疑也因其可疑而攻之庶幾惑者有以思焉

五代史周臣傳論

名言

嗚呼作器者無良材而有良匠治國者無能臣而有能君蓋材待匠而成臣待君而用故曰治國譬之於弈知其用而置得其處者勝不知其用而置非其處者敗敗者臨棋注目終日而勞心使善弈者視焉爲之易置其處則勝矣勝者所用敗者之碁也興國所用亡國之臣也王朴之材誠可謂能矣不遇世宗何所施哉世宗之時外事征伐攻取戰勝內修制度議刑法定律曆講求禮樂之遺文所用者五代之士也豈皆愚怯於晉漢而材智於周哉惟知所用爾夫亂國之君常置愚不肖於上而強